



Godina II - Broj 22

Subota, 13. novembra/studenog 1993.
SARAJEVOZa svaki broj posebno se
utvrđuje cijena
Žiro-račun 10100-603-1396

468

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O KUPOVINI I PRODAJI ODREĐENIH ROBA I ZA STRANA SREDSTVA PLAĆANJA

Član 1.

Ovom uredbom, uređuje se kupovina i prodaja određenih roba od domaćih i stranih pravnih i fizičkih lica i za strana sredstva plaćanja.

Kupovina i prodaja roba utvrđenih ovom uredbom vrši se u efektivnom stranom novcu ili doznakom deviznih sredstava sa računa.

Član 2.

Pravo kupovine i prodaje robe, po ovoj uredbi, imaju sva pravna i fizička lica.

Radi kupovine i prodaje roba, u skladu sa ovom uredbom, pravna lica mogu otvarati devizni račun kod ovlaštene banke, sa kojim mogu slobodno raspolagati.

Član 3.

Komercijalne robe domaćeg i stranog porijekla koje se mogu kupovati i prodavati u skladu sa ovom uredbom su: ugalj, ogrijevno drvo i poljoprivredni prehrambeni proizvodi: žitarice, brašno, masnoće, šećer, jaja, svježe i sušeno voće i povrće.

Član 4.

Strana sredstva plaćanja mogu se koristiti, i za plaćanje zavisnih troškova vezanih za kupovinu i prodaju roba iz člana 3. ove uredbe pod kojima se podrazumijevaju: troškovi transporta, rezervni dijelovi, energenti i ostale sitne usluge.

Član 5.

Na kupovinu i prodaju roba iz člana 3. ove uredbe i zavisne troškove iz člana 4. ove uredbe, ne plaća se porez, carina i druge dažbine.

Član 6.

Za potrebe Republike Bosne i Hercegovine, Vlada Republike Bosne i Hercegovine će osigurati devizna sredstva za kupovinu roba iz člana 3. ove uredbe.

Vlada Republike Bosne i Hercegovine, na prijedlog nadležnih ministarstava utvrdit će količine, orijentacione nabavne

cijene, način i uslove kupovine i prodaje kao i distribuciju i humanitarnu raspodjelu roba iz stava 1. ovog člana.

Član 7.

Ovlašćuje se ministar finansija da propiše potrebnu dokumentaciju i način vođenja poslovnih knjiga pravnih i fizičkih lica, kao i način raspolaganja stranim sredstvima plaćanja koja se koriste za kupovinu i prodaju roba po ovoj uredbi.

Član 8.

Nadzor i kontrolu provođenja odredaba ove uredbe vršit će u okviru svojih nadležnosti: Ministarstvo finansija, Ministarstvo privrede, Narodna banka Bosne i Hercegovine i Služba društvenog knjigovodstva Bosne i Hercegovine.

Član 9.

Odgovorno lice u pravnom licu ili fizičko lice koje kupuje ili prodaje robe iz člana 3. ove uredbe koje potiču iz nekomercijalnih izvora radi sticanja protivpravne imovinske koristi, kaznit će se za krivično djelo kaznom zatvora do pet godina.

Roba i predmeti nedozvoljene trgovine oduzet će se.

Član 10.

Novčanom kaznom od 80 miliona do 120 miliona dinara kaznit će se za prekršaj pravno lice koje ne vodi potrebnu dokumentaciju i poslovne knjige na propisan način (član 7.).

Za prekršaj iz stava 1. ovog člana kaznit će se fizičko lice ili odgovorno lice u pravnom licu novčanom kaznom od 20 miliona do 25 miliona dinara ili kaznom zatvora do 60 dana.

Član 11.

Kupovina i prodaja određenih roba, po ovoj uredbi, važi najviše do šest mjeseci.

Član 12.

Ova uredba stupa na snagu danom donošenja, a objavit će se u "Službenom listu RBiH".

PR broj 1583/93
11. novembra 1993. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s. r.

469

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O OBRAZOVANJU I RADU OKRUGA

Član 1.

U Uredbi sa zakonskom snagom o obrazovanju i radu okruga ("Službeni list RBiH", br. 12/92, 14/92, 18/92 i 3/93), u članu 6. tačka 4. iza riječi "Stolac" dodaje se riječ "Prozor".

U tački 10. riječ "Prozor" briše se.

Član 2.

Ova uredba stupa na snagu danom objavljivanja u "Službenom listu RBiH".

PR broj 1566/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

470

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O PRIZNAVANJU STEČENOG OBRAZOVANJA U INOSTRANSTVU DRŽAVLJANIMA REPUBLIKE BOSNE I HERCEGOVINE KOJI SU IZBJEGLI ZA VRIJEME RATNOG STANJA

Član 1.

Državljanima Republike Bosne i Hercegovine, koji su izbjegli za vrijeme ratnog stanja i u inostranstvu završili razred, odnosno obrazovanje u osnovnoj ili srednjoj školi, priznaje se stečeno obrazovanje na osnovu izdatih svjedočanstava, potvrda i uvjerenja.

Član 2.

Svjedočanstva iz člana 1. ove uredbe ne nostrifikuju se u skladu sa Zakonom o nostrifikaciji i ekvivalenciji inostranih školskih svjedočanstava ("Službeni list SRBiH", broj 7/88).

Član 3.

Potvrde i uvjerenja o završenom razredu ili obrazovanju, osnov su za nastavak daljeg školovanja ili zaposlenja.

Licima iz člana 1. ove uredbe, kojima je verifikovana inostrana škola, nakon redovnog pohađanja nastave po odgovarajućem programu, izdala potvrdu ili uvjerenje sa ocjenama o završenom razredu ili obrazovanju, okružni sekretarijat društvenih djelatnosti odnosno organ za obrazovanje, nauku, kulturu i sport nadležan za područje na kome lice ima prebivalište ili je privremeno nastanjeno, na njihov zahtjev, izdaje svjedočanstvo, odnosno uvjerenje o završenom razredu ili obrazovanju na obrascu koji se primjenjuje u Republici Bosni i Hercegovini.

Član 4.

Na zahtjev lica iz člana 1. ove uredbe koji se privremeno nalaze u inostranstvu diplomatska i konzularna predstavništva Republike Bosne i Hercegovine u inostranstvu na osnovu potvrde i uvjerenja verifikovane inostrane škole sa ocjenama, može izdati svjedočanstvo odnosno uvjerenje o završenom razredu ili obrazovanju na obrascu koji se primjenjuje u Republici Bosni i Hercegovini.

Član 5.

Izdavanje svjedočanstva odnosno uvjerenja u smislu čl. 3. i 4. ove uredbe vrši se tako da se u svjedočanstvo odnosno uvjerenje unesu sve ocjene, vrsta obrazovanja i naziv obrazovnog profila koje je učenik stekao.

Član 6.

U slučaju iz člana 5. ove uredbe nadležni organi i diplomatska i konzularna predstavništva Republike Bosne i Hercegovine u inostranstvu iz čl. 3. i 4. ove uredbe vode matičnu evidenciju i dokumentaciju propisanu Zakonom o osnovnoj školi ("Službeni list SRBiH", broj 39/90 i "Službeni list RBiH", broj 3/93) i Zakonom o srednjoj školi ("Službeni list SRBiH", broj 39/90 i "Službeni list RBiH", broj 3/93).

Član 7.

Ova uredba stupa na snagu danom objavljivanja u "Službenom listu RBiH".

PR broj 1568/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

471

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O OKRUŽNIM VOJNIM SUDOVIMA

Član 1.

U Uredbi sa zakonskom snagom o okružnim vojnim sudovima ("Službeni list RBiH", br. 12/92, 21/92 i 23/92) član 12 briše se.

Član 2.

Član 30. briše se.

Član 3.

U članu 31. stav 1. iza riječi "pritvora" tačka se zamjenjuje zarezom i dodaju riječi: "kao unutrašnja organizaciona jedinica suda".

Iza stava 1. dodaje se novi stav 2. koji glasi:

"Aktom o unutrašnjoj organizaciji okružnog vojnog suda utvrđuje se broj radnika - stražara na poslovima obezbjeđenja u pritvoru".

Dosadašnji stav 2. postaje stav 3.

Član 4.

U članu 34. u stavu 1. iza riječi "lica" dodaju se dvije tačke i riječi: "general, oficir, podoficir i pitomec vojnih škola".

Iza stava 1. dodaje se novi stav 2. koji glasi:

"Pod posebnim odjeljenjem okružnog zatvora, odnosno kazneno-popravnog doma smatraju se posebne prostorije u kojima izdržavaju kaznu zatvora lica iz stava 1. ovog člana".

Dosadašnji stav 2. postaje stav 3.

Član 5.

Iza člana 34. dodaje se novi član 34a. koji glasi:

"Odredbe Uredbe sa zakonskom snagom o primjeni Zakona o izvršenju krivičnih i prekršajnih sankcija za vrijeme neposredne ratne opasnosti ili za vrijeme ratnog stanja ("Službeni list RBiH", broj 6/92) shodno se primjenjuju i na stražare pritvora i stražare posebnih odjeljenja zatvora, odnosno kazneno-popravnih organizacija".

Član 6.

Ova uredba stupa na snagu danom objavljivanja u "Službenom listu RBiH".

PR broj 1565/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

472

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

UREDBU SA ZAKONSKOM SNAGOM

O IZMJENI I DOPUNI ZAKONA O IZBORU ODBORNIKA I POSLANIKA U SKUPŠTINE DRUŠTVENO-POLITIČKIH ZAJEDNICA

Član 1.

U Zakonu o izboru odbornika i poslanika u skupštine društveno-političkih zajednica ("Službeni list SRBiH", br. 21/90 i 28/90) i ("Službeni list RBiH", broj 12/92) u članu 8. iza stava 1. dodaje se novi stav 2. koji glasi:

"Izuzetno, za vrijeme ratnog stanja, odborniku odnosno poslaniku prestaje mandat i prije isteka vremena na koje je izabran, ako bez opravdanog razloga duže od šest mjeseci uzastopno ne prisustvuje sjednicama skupštine ili njenih radnih tijela, što utvrđuje Mandatno imunitetska komisija na prijedlog 10 odbornika odnosno 10 poslanika".

U stavu 2. koji postaje stav 3. u trećem redu riječi: "stav 1." zamjenjuju se riječima "st. 1. i 2.".

Član 2.

Ova uredba stupa na snagu danom objavljivanja u "Službenom listu RBiH".

PR broj 1575/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

473

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM

O IZMJENAMA I DOPUNAMA ZAKONA O KRITERIJIMA I MJERILIMA ZA KORIŠTENJE SREDSTAVA AMORTIZACIJE STAMBENIH ZGRADA I STANOVA U DRUŠTVENOJ SVOJINI ZA VELIKE OPRAVKE STAMBENIH ZGRADA

Član 1.

U Zakonu o kriterijima i mjerilima za korištenje sredstava amortizacije stambenih zgrada i stanova u društvenoj svojini za velike opravke stambenih zgrada ("Službeni list SRBiH", br. 21/87, 2/90 i 32/91 i "Službeni list RBiH", broj 18/92), u članu 3. u stavu 1. broj "1992." zamjenjuje se brojem "1993.".

Član 2.

Ova uredba stupa na snagu danom objavljivanja u "Službenom listu RBiH".

PR broj 1564/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

474

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM

O IZMJENAMA I DOPUNAMA UREDBE SA ZAKONSKOM SNAGOM O KORIŠTENJU SREDSTAVA SOLIDARNOSTI ZA VELIKE OPRAVKE

Član 1.

U Uredbi sa zakonskom snagom o korištenju sredstava solidarnosti za velike opravke ("Službeni list RBiH", broj 21/92), u članu 2. i članu 3. u stavu 2. broj "1992." zamjenjuje se brojem "1993.".

Član 2.

Ova uredba stupa na snagu danom objavljivanja u "Službenom listu RBiH".

PR broj 1563/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

475

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, donosi

UREDBU SA ZAKONSKOM SNAGOM

O OBRAZOVANJU OPŠTINE ŽEPA

Član 1.

Ovom uredbom obrazuje se opština Žepa. Sjedište Skupštine opštine Žepa je u Žepi.

Član 2.

Područje opštine Žepa obuhvata naseljena mjesta: Babljak, Borovac, Brložnik, Čavčići, Godomilje, Godenje, Krivača, Laze, Ljubomišlje, Mislovo, Plane, Podžeplje, Pripečak, Purtići, Ribioč, Rijeke, Slap, Stara Gora, Stoborani, Stop, Vrtar, Vrelo, Žepa i Živaljevići.

Naseljena mjesta iz stava 1. ovog člana izdvajaju se iz opština Han Pijesak i Rogatica.

Iz opštine Han Pijesak izdvajaju se naseljena mjesta: Brložnik, Godenje, Krivača, Plane, Podžeplje, Rijeke i Stoborani.

Iz opštine Rogatica izdvajaju se naseljena mjesta: Babljak, Borovac, Čavčići, Godomilje, Laze, Ljubomišlje, Mislovo, Pripečak, Purtići, Ribioč, Slap, Stara Gora, Stop, Vrtar, Vrelo, Žepa i Živaljevići.

Granicu između područja opština Han Pijesak i Rogatica i opštine Žepa utvrdiće Vlada Republike Bosne i Hercegovine.

Član 3.

Izbori za odbornike u Skupštinu opštine Žepa održaće se najkasnije tri mjeseca nakon završetka ratnog stanja.

Član 4.

Predsjedništvo Republike Bosne i Hercegovine imenovaće Ratno predsjedništvo opštine Žepa.

Ratno predsjedništvo opštine Žepa donijeće privremeni statut opštine Žepa.

Privremeni statut iz stava 2. ovog člana prestaje da važi donošenjem statuta opštine Žepa.

Član 5.

Ova uredba stupa na snagu danom objavljivanja u "Službenom listu RBiH".

PR broj 1557/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

476

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine prilivati je Izvještaj Komsije matičara za

osnivanje Fakulteta kriminalističkih nauka u Sarajevu, te u skladu sa članom 15. Zakona o univerzitetu ("Službeni list SRBiH", broj 39/90 i "Službeni list RBiH", broj 3/93), donosi

ODLUKU

O OSNIVANJU FAKULTETA KRIMINALISTIČKIH NAUKA U SARAJEVU

I

Osniva se Fakultet kriminalističkih nauka sa sjedištem u Sarajevu.

II

Fakultet kriminalističkih nauka u Sarajevu može početi sa radom, kada republički organ uprave nadležan za poslove obrazovanja donese rješenje u skladu sa članom 17. Zakona o univerzitetu.

III

Ova odluka stupa na snagu danom donošenja, a objaviće se u "Službenom listu RBiH".

Broj 02-612-572/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

477

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 4. oktobra 1993. godine, donijelo je

ODLUKU

O RAZRJEŠENJU I IMENOVANJU JAVNIH TUŽILACA

I

Razrješava se dužnosti osnovnog javnog tužioca u Brčkom ZELJIĆ MIODRAG, radi samovoljnog napuštanja dužnosti i nedolaska na posao.

II

Za višeg javnog tužioca u Zenici imenuje se KAPETANOVIĆ SULEJMAN, dosadašnji sudija Višeg suda u Zenici.

III

Za osnovnog tužioca u Brčkom imenuje se MULAHALILOVIĆ OSMAN, dosadašnji sudija Osnovnog suda u Brčkom.

IV

Za osnovnog javnog tužioca u Kladnju imenuje se TANOVIĆ RUSMIR, dosadašnji sudija Osnovnog suda u Kladnju.

V

Ovu odluku objaviti u "Službenom listu RBiH".

Broj 02-111-584/93
4. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

478

Na osnovu Amandmana LXXIV tačka 2. stav 3. u vezi sa Amandmanom LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 29. oktobra 1993. godine, donijelo je

ODLUKU

O IZBORU PREDSEDNIKA VLADE REPUBLIKE BOSNE I HERCEGOVINE

I

Za predsjednika Vlade Republike Bosne i Hercegovine izabran je dr HARIS SILAJDŽIĆ.

II

Ova odluka objaviće se u "Službenom listu RBiH".

Broj 02-111-660/93
29. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

479

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 29. oktobra 1993. godine, donijelo je

ODLUKU

O IMENOVANJU GUVERNERA NARODNE BANKE BOSNE I HERCEGOVINE

I

Za guvernera Narodne banke Bosne i Hercegovine imenuje se KASIM OMICEVIĆ, dipl. ecc. iz Sarajeva.

II

Ova odluka objaviće se u "Službenom listu RBiH".

Broj 02-111-662/93
29. oktobra 1993. godine
Sarajevo

Predsjednik
Predsjedništva RBiH,
Alija Izetbegović, s. r.

480

Na osnovu Amandmana LXXV tačka 1. na Ustav Republike Bosne i Hercegovine i člana 36. st. 2. i 3. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, na prijedlog Ministarstva unutrašnjih poslova, donosi

ODLUKU

O OBUSTAVI OD IZVRŠENJA ODLUKE O OBUSTAVLJANJU PRILIVA RASELJENIH LICA NA PODRUČJE OPŠTINE ILIDŽA BROJ 01-965/93 OD 2. OKTOBRA 1993. GODINE

I

Obustavlja se, do odluke Ustavnog suda Bosne i Hercegovine, izvršenje Odluke o obustavi priliva raseljenih lica na područje opštine Ilidža, broj: 01-965/93 od 2. oktobra 1993. godine, koju je donijelo Predsjedništvo Skupštine opštine Ilidža na sjednici od 02. oktobra 1993. godine, jer Vlada Republike Bosne i Hercegovine ocjenjuje da mogu nastati teže štetne posljedice.

Ministarstvo unutrašnjih poslova podnijeće Ustavnom sudu Bosne i Hercegovine, prijedlog za ocjenu ustavnosti i zakonitosti Odluke o obustavi priliva raseljenih lica na područje opštine Ilidža, u roku od tri dana od dana donošenja ove odluke.

II

Ova odluka stupa na snagu danom donošenja, a objaviće se u "Službenom listu RBiH".

V broj 255/93
13. novembra 1993. godine
Sarajevo

Predsjednik
Vlade RBiH,
dr Haris Silajdžić, s. r.

481

Na osnovu člana 22. stav 1. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

RJEŠENJE

O RAZRJEŠENJU SEKRETARA VLADE REPUBLIKE BOSNE I HERCEGOVINE

Razrješava se ENES GOTOVUŠA dužnosti sekretara Vlade Republike Bosne i Hercegovine.

Ovo rješenje objaviti u "Službenom listu RBiH".

V broj 251/93
30. oktobra 1993. godine
Sarajevo

Predsjednik
Vlade RBiH,
dr Haris Silajdžić, s. r.

482

Na osnovu člana 22. stav 1. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

RJEŠENJE**O IMENOVANJU SEKRETARA VLADE REPUBLIKE BOSNE I HERCEGOVINE**

Za sekretara Vlade Republike Bosne i Hercegovine imenuje se SAFET PAŠIĆ.

Ovo rješenje objaviti u "Službenom listu RBiH".

V broj 252/93
30. oktobra 1993. godine
Sarajevo

Predsjednik
Vlade RBiH,
dr Haris Silajdžić, s. r.

483

Na osnovu člana 182. stav 4. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O RAZRJEŠENJU DIREKTORA DIREKCIJE REPUBLIKE BOSNE I HERCEGOVINE ZA ROBNE REZERVE**

Razrješava se MENSUR ČAUŠEVIĆ dužnosti direktora Direkcije Republike Bosne i Hercegovine za robne rezerve, sa 31. 5. 1993. godine, na lični zahtjev.

Ovo rješenje objaviti u "Službenom listu RBiH".

V broj 229/93
23. oktobra 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

484

Na osnovu člana 7. stav 4. Uredbe o Službi za zajedničke poslove republičkih organa ("Službeni list RBiH", broj 8/93), Vlada Republike Bosne i Hercegovine, donosi

RJEŠENJE**O RAZRJEŠENJU SEKRETARA SLUŽBE ZA ZAJEDNIČKE POSLOVE REPUBLIČKIH ORGANA**

Razrješava se MLADEN OBRDALJ dužnosti sekretara Službe za zajedničke poslove republikih organa, sa 25. 3. 1993. godine, zbog višemjesečnog odsustvovanja sa posla.

Ovo rješenje objaviti u "Službenom listu RBiH".

V broj 250/93
23. oktobra 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

485

Na osnovu člana 32. stav 1. Uredbe sa zakonskom snagom o odbrani ("Službeni list RBiH", br. 4/92, 9/92, 19/92 i 11/93), Vlada Republike Bosne i Hercegovine donosi

RJEŠENJE**O RAZRJEŠENJU KOMANDANTA REPUBLIČKOG ŠTABA CIVILNE ZAŠTITE**

Razrješava se VINKO DRINOVAC dužnosti komandanta Republičkog štaba civilne zaštite, sa 7. 2. 1993. godine, zbog višemjesečnog odsustvovanja sa posla.

Ovo rješenje objaviti u "Službenom listu RBiH".

V broj 248/93
23. oktobra 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

486

Na osnovu tačke V Odluke o osnivanju logističkih centara za humanitarnu pomoć na teritoriji Republike Hrvatske ("Službeni list RBiH", broj 11/93), Vlada Republike Bosne i Hercegovine donosi

RJEŠENJE**O RAZRJEŠENJU DIREKTORA LOGISTIČKOG CENTRA U PLOČAMA**

Razrješava se SALKO HANDŽIĆ dužnosti direktora Logističkog centra u Pločama, sa 29. 4. 1993. godine, jer nije stupio na ovu dužnost.

Ovo rješenje objaviti u "Službenom listu RBiH".

V broj 244/93
23. oktobra 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

487

Na osnovu tačke V Odluke o osnivanju logističkih centara za humanitarnu pomoć na teritoriji Republike Hrvatske ("Službeni list RBiH", broj 11/93), Vlada Republike Bosne i Hercegovine, donosi

RJEŠENJE**O RAZRJEŠENJU DIREKTORA LOGISTIČKOG CENTRA U ZAGREBU**

Razrješava se MIRSADA AHMEDJIĆ dužnosti direktora Logističkog centra u Zagrebu, sa 26. 12. 1992. godine, jer nije stupila na ovu dužnost.

Ovo rješenje objaviti u "Službenom listu RBiH".

V broj 243/93
23. oktobra 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

488

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE**O POSTAVLJENJU PODSEKRETARA U MINISTARSTVU RADA I SOCIJALNE POLITIKE**

Za podsekretara u Ministarstvu rada i socijalne politike postavlja se mr SEAD ZEĆO.

Ovo rješenje objaviti u "Službenom listu RBiH".

V broj 234/93
23. oktobra 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

489

Na osnovu člana 188. stav 1. Zakona o državnoj upravi ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine donosi

RJEŠENJE**O POSTAVLJENJU POMOĆNIKA MINISTRA RADA I SOCIJALNE POLITIKE**

Za pomoćnika ministra rada i socijalne politike postavlja se IFETA NEZIROVIĆ.

Ovo rješenje objaviti u "Službenom listu RBiH".

V broj 235/93 Potpredsjednik
23. oktobra 1993. godine Vlade RBiH,
Sarajevo mr Hadžo Efendić, s. r.

490

Na osnovu člana 29. stav 5. Uredbe sa zakonskom snagom o ustanovama (Službeni list RBiH", br. 6/92 i 8/93), Vlada Republike Bosne i Hercegovine donosi

RJEŠENJE**O RAZRJEŠENJU DIREKTORA DRUŠTVENOG FONDA ZA PENZIJSKO I INVALIDSKO OSIGURANJE BOSNE I HERCEGOVINE**

Razrješava se LUKA ŠIJAKOVIĆ dužnosti direktora Društvenog fonda za penzijsko i invalidsko osiguranje Bosne i Hercegovine sa 1. 4. 1993. godine, zbog višemjesečnog odsustvovanja sa posla.

Ovo rješenje objaviti u "Službenom listu RBiH".

V broj 249/93 Potpredsjednik
23. oktobra 1993. godine Vlade RBiH,
Sarajevo mr Hadžo Efendić, s. r.

491

Na osnovu člana 12. stav 3. Uredbe sa zakonskom snagom o finansijskom poslovanju ("Službeni list RBiH", br. 2/92 i 14/93) i člana 118. Zakona o državnoj upravi - Prečišćeni tekst ("Službeni list SRBiH", br. 8/90, 10/91 i 14/91 i "Službeni list RBiH", br. 4/92 i 3/93), ministar finansija, donosi

NAREDBU**O IZMJENI NAREDBE O USLOVIMA I NAČINU NAPLATE, RASPOLAGANJA I PLAĆANJA GOTOVIM NOVCEM**

1. U Naredbi o uslovima i načinu naplate, raspolaganja i plaćanja gotovim novcem ("Službeni list RBiH", br. 3/92, 23/92 i 14/93) u tački 4. u podtački d) br. "200.000" zamjenjuje se brojem "1.000.000".

2. Ova naredba stupa na snagu danom objavljivanja u "Službenom listu RBiH".

Broj 01-021-2687/93 Zamjenik ministra
29. oktobra 1993. godine Muhamed Logo, s. r.
Sarajevo

492

Na osnovu člana 7. Uredbe sa zakonskom snagom o kupovini i prodaji određenih roba i za strana sredstva plaćanja ("Službeni list RBiH", broj 22/93), Ministar finansija, donosi

UPUTSTVO**ZA PROVOĐENJE UREDBE SA ZAKONSKOM SNAGOM O KUPOVINI I PRODAJI ODREĐENIH ROBA I ZA STRANA SREDSTVA PLAĆANJA****I - RASPOLAGANJE DEVIZNIM SREDSTVIMA REPUBLIKE BOSNE I HERCEGOVINE I NAČIN VODENJA EVIDENCIJE**

1. Devizna sredstva koja osigurava Vlada Republike Bosne i Hercegovine (u daljem tekstu: Vlada) (za kupovinu roba i plaćanje zavisnih troškova iz čl. 3. i 4. Uredbe sa zakonskom

snagom o kupovini i prodaji određenih roba i za strana sredstva plaćanja (u daljem tekstu: Uredba) nalazit će se na računu Ministarstva finansija - sredstva budžeta u okviru osnovnog računa 7230 - posebna partija), koji će se voditi kod Narodne banke Bosne i Hercegovine (u daljem tekstu: Narodna banka) i u Trezoru Narodne banke.

2. Ministarstvo finansija daje Narodnoj banci, nalog za plaćanje na teret deviznih sredstava iz tačke 1. ovog uputstva (u daljem tekstu: Nalog).

3. Nalog u ime Ministarstva finansija potpisuju:

- ministar;
- pomoćnik ministra za budžet;
- pomoćnik ministra za međunarodne finansije i devizni i carinski sistem i

- pomoćnik ministra za pravne poslove.

Nalog se ovjerava pečatom Ministarstva finansija.

Nalog potpisuju najmanje dva od ovlaštenih potpisnika.

4. Raspoloživa devizna sredstva Vlada će okvirno raspodjeliti po pojedinim regionima u skladu sa mogućnostima kupovine i prodaje roba.

5. Efektivna devizna sredstva koja su raspoređena na pojedine regione stavljaju se na raspolaganje i upotrebu putem ministra-koordinatora za određeni region po nalogu - ministra finansija.

6. Ministar - koordinator za određeni region zadužuje se za realizaciju svih poslova vezanih za:

a) polaganje efektivnog stranog novca u trezor SDK koja u ime i za račun Republike Bosne i Hercegovine obavlja trezorske poslove;

b) odabir i zaključivanje ugovora sa pravnim licima koja će vršiti poslove nabavke, skladištenja, transporta i distribucije roba;

c) dnevno izvještavanje Vlade putem Ministarstva finansija i Ministarstva privrede o kretanju cijena, pribavljenim ponudama, potrebama za novčanim sredstvima, stanju i otkupljenim količinama robe i svim drugim potrebnim činjenicama, u cilju racionalnog upravljanja sredstvima Republike.

7. Doznaka sredstava za pojedine regione vrši se direktno iz Trezora Narodne banke u trezor SDK koja vrši plaćanja za potrebe određenog regiona.

8. Dostavljanje efektivnog stranog novca u Trezor Narodne banke i trezore SDK vršiće se u organizaciji Ministarstva finansija, Ministarstva unutrašnjih poslova, Ministarstva inostranih poslova i Narodne banke.

9. Sredstva namijenjena za određene regione doznačavaće se avansno.

Doznaka nove akontacije vrši se po izvršenom pravdanju prethodne doznake u visini od 75%.

10. Pravdanje utrošenih sredstava vrši se na osnovu izvještaja sa potrebnom dokumentacijom koju utvrđuje ministar finansija.

11. Plaćanje otkupljenih roba može se vršiti i putem doznake sa računa Ministarstva finansija kod Narodne banke.

12. Plaćanje doznakom vrši se na osnovu zahtjeva ministra-koordinatora za region.

Zahtjev za plaćanje mora sadržavati sljedeća dokumenta:

- ugovor ili fakturu o kupovini robe sa svim elementima (količine, jedinične cijene, ukupan iznos u valuti, korisnik sredstava, račun i naziv ovlaštene banke kod koje se vodi račun);

- dokaz o izvršenoj isporuci (otpremnicu i ulaz robe u skladište).

13. Ministarstvo finansija, na osnovu dostavljene dokumentacije, ispostavlja nalog za plaćanje na teret računa "7230" Ministarstva finansija - sredstva Republike koji se vodi kod Narodne banke.

14. Poslove otkupa, skladištenja i manipulacije robama za potrebe Republike obavljat će pravna lica sa kojima će se zaključiti ugovor o vršenju tih poslova i kojim će se definisati

medusobna prava i obaveze kao što su: naknada za učinjene usluge, korištenje poslovnog i skladišnog prostora, sredstva za prevoz i sl.

15. Otkup robe može se vršiti od svih pravnih i fizičkih lica.

16. Otkup robe vrši se na osnovu dnevno utvrđenih i javno objavljenih cijena koje utvrđuje ministar-koordinator za određeni region o čemu se vodi svakodnevna evidencija i dnevno dostavljaju izvještaji Ministarstvu finansija o količini kupljene robe i utrošenim sredstvima.

17. Pravna lica koja u ime i za račun Republike obavljaju poslove okupa, skladištenja i manipulacije robama, dužna su da za potrebe obavljanja ovih poslova organizuju posebno vodenje poslovnih knjiga i dokumentacije, i to naročito:

- vodenje i evidenciju materijalnog poslovanja;
- vodenje i evidenciju blagajničkog poslovanja.

Evidencije i način vodenja poslovnih knjiga vrši se na način predviđen važećim propisima.

18. Pravno lice iz tačke 14. ovog uputstva kupovinu roba od pravnih lica, u smislu potrebne dokumentacije, vrši prema važećim zakonskim propisima (ugovor, faktura, proforma faktura, otpremnica itd.).

19. Pravno lice iz tačke 14. ovog uputstva kupovinu roba od fizičkih lica vrši na osnovu računa - note koji treba da sadrži ime i prezime, broj lične karte i mjesto izdavanja, adresu, datum kupovine, vrstu robe, količinu, jediničnu cijenu i ukupan iznos iskazan u valuti.

20. Ministar-koordinator za određeni region ili lice koje ovlasti ministar-koordinator daje nalog za podizanje efektive iz trezora SDK za potrebe pravnog lica sa kojim je zaključen ugovor iz tačke 14. ovog uputstva i potpisuje dokumenta materijalnog i finansijskog knjigovodstva.

21. Sve robe otkupljene u skladu sa članom 6. Uredbe smatraju se vlasništvom Republike.

22. Kupovinu i prodaju robe i druge poslove u skladu sa Uredbom na područjima za koja nisu imenovani ministri-koordinatori, vršiće Ministarstvo privrede na način predviđen ovim uputstvom.

II - NAČIN VODENJA DOKUMENTACIJE I POSLOVNIH KNJIGA PRAVNIH I FIZIČKIH LICA

23. Pravna i fizička lica mogu se baviti kupovinom i prodajom robe iz člana 3. Uredbe angažirajući sopstveni kapital.

24. Pravna lica dužna su da o poslovima iz tačke 23. ovog uputstva vode posebnu knjigovodstvenu evidenciju i to za materijalno i finansijsko knjigovodstvo, u skladu sa tačkom 17. ovog uputstva.

25. Kupovina i prodaja roba vrši se uz izdavanje odgovarajućih dokumenata, i to:

- a) za pravna lica prema važećim propisima i u skladu sa tačkom 18. ovog uputstva, i
- b) za fizička lica - račun nota sa svim potrebnim elementima iz tačke 19. ovog uputstva.

26. Pravna lica, prodaju roba iz člana 3. Uredbe mogu vršiti isključivo u poslovnim prostorima koji ispunjavaju minimalne higijensko-tehničke uslove za prodaju roba.

Pod pravnim licima u smislu stava 1. ove tačke, podrazumijevaju se i samostalni privrednici.

Prodaju roba iz člana 3. Uredbe fizička lica mogu vršiti na mjestima predviđenim za prodaju roba na malo (pijaca, tržnica i sl.).

27. Nadležni organ Ministarstva unutrašnjih poslova je dužan, na zahtjev pravnog ili fizičkog lica, izdati potvrdu o transportu roba iz člana 3. Uredbe, a u cilju neometanog transporta roba.

28. Kod prometa robe iz člana 3. Uredbe dozvoljeno je samo jedno posredovanje i to u slučaju dislokacije robe sa jednog regiona u drugi region ili unutar regiona.

29. Ovo uputstvo stupa na snagu danom objavljivanja u "Službenom listu RBiH".

Broj 07-021-2790/93

12. novembra 1993. godine
Sarajevo

Ministar finansija
dr Kreso Sead, s. r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 1. Ustava Republike Bosne i Hercegovine i člana 72. tačka 1. Poslovnika Ustavnog suda Bosne i Hercegovine, na sjednici održanoj 14. oktobra 1993. godine, donio je

ODLUKU

Utvrđuje se da odredbe člana 8. stav 5. i člana 15. stav 3. Uredbe sa zakonskom snagom o državljanstvu Republike Bosne i Hercegovine ("Službeni list RBiH", br. 18/92 i 11/93), nisu u saglasnosti sa Ustavom Republike Bosne i Hercegovine.

U smislu člana 395. Ustava Republike Bosne i Hercegovine, Odluka će se dostaviti Predsjedništvu Republike Bosne i Hercegovine radi usklađivanja navedenih odredaba Uredbe sa Ustavom.

Ova odluka objaviće se u "Službenom listu RBiH".

O b r a z l o ž e n j e

Ustavni sud Bosne i Hercegovine, po vlastitoj inicijativi, rješenjem od 27. 5. 1993. godine, pokrenuo je postupak za ocjenjivanje ustavnosti navedenih odredaba Uredbe, kojima je između ostalog, propisano da u rješenju kojim se odbija zahtjev za prijem stranca prirođenjem u državljanstvo Republike Bosne i Hercegovine i u rješenju kojim se odbija zahtjev za otpust iz državljanstva, nadležni organ nije dužan navesti razloge donošenja rješenja.

Rješenje o pokretanju postupka dostavljeno je 26. 7. 1993. godine Predsjedništvu Republike Bosne i Hercegovine radi davanja odgovora. Odgovor na rješenje nije dostavljen.

Prema Ustavu Republike Bosne i Hercegovine svako ima pravo na jednaku zaštitu svojih prava u postupku pred sudom, državnim i drugim organima i organizacijama, koji rješavaju o njegovim pravima, obavezama i interesima, a svakome je zajamčeno pravo na žalbu ili drugo pravno sredstvo protiv odluka sudova, državnih organa i drugih organa i organizacija, kojima se rješava o njegovom pravu ili na zakonu zasnovanom interesu (član 190. st. 1. i 2.). Odredbom člana 223. stav 1. utvrđeno je da državni organi, kao i organizacije i zajednice koje vrše javna ovlaštenja mogu u pojedinačnim stvarima rješavati o pravima i obavezama ili, na osnovu zakona, primjenjivati mjere prinude ili ograničenja, samo u zakonom propisanom postupku u kome je svakome data mogućnost da brani svoja prava i interese i da protiv donesenog akta izjavi žalbu ili upotrijebi drugo zakonom predviđeno pravno sredstvo.

Polazeći od navedenih ustavnih odredaba, Ustavni sud je ocijenio da se osporenim odredbama onemogućava zaštita pojedinačnog prava u postupku pred državnim organom koji rješava o prijemu u državljanstvo i o otpustu iz državljanstva Republike Bosne i Hercegovine, s obzirom da lice čijem zahtjevu nije udovoljeno može biti dovedeno u situaciju da ne zna razloge kojima se nadležni organ rukovodio pri odbijanju njegovog zahtjeva, pa da zbog toga nije u mogućnosti da argumentovano osporava zakonitost osporenog rješenja.

Odluka U broj 10/93

14. oktobra 1993. godine
Sarajevo

Predsjednik

Ustavnog suda BiH,
prof. dr Ismet Dautbašić, s. r.

Ustavni sud Bosne i Hercegovine, na osnovu člana 387. stav 1. tačka 2. Ustava Republike Bosne i Hercegovine i člana 72. tačka 1. Poslovnika Ustavnog suda Bosne i Hercegovine, na sjednici održanoj 21. oktobra 1993. godine, donio je

ODLUKU

Utvrđuje se da je Odluka o prikupljanju deviznih sredstava za sanaciju telefonske mreže na području koje su pokrivala

uništene i onesposobljene telefonske centrale smještene u PTT objektima Obala broj 8, Bašaršija i Vasin Han, koju je 10. 2. 1993. godine, pod brojem 0101-239/93 donijelo Preduzeće PTT saobraćaja Sarajevo, u vrijeme važenja od 10. 2. do 18. 9. 1993. godine, bila u suprotnosti sa Uredbom sa zakonskom snagom o deviznom poslovanju ("Službeni list RBiH", broj 2/92).

Ova odluka objaviće se u "Službenom listu RBiH" i u Preduzeću PTT saobraćaja Sarajevo, na način utvrđen za objavljivanje opštih akata.

Obrazloženje

Ustavni sud Bosne i Hercegovine, rješenjem od 7. 10. 1993. godine, pokrenuo je postupak za ocjenjivanje zakonitosti navdane odluke, kojom je utvrđeno da za izgradnju i ponovno uključanje telefonskog priključka, za premještanje telefona sa drugih reonskih centrala i za zasnivanje novog pretplatničkog odnosa pretplatnici plaćaju određeni iznos u devizama (DEM).

U odgovoru na navode rješenja Preduzeće PTT saobraćaja Sarajevo navelo je da je osporena odluka ukinuta Odlukom broj

0101-1513/93 od 10. 9. 1993. godine, koja je stupila na snagu 18. 9. 1993. godine.

Uredbom sa zakonskom snagom o deviznom poslovanju propisano je da je zabranjeno plaćanje i naplaćivanje u devizama ili u zlatu između domaćih lica u Bosni i Hercegovini, ako zakonom nije drukčije određeno i da je ništavan svaki pravni posao protivan ovoj zabrani (član 11.).

S obzirom na navedene odredbe Uredbe, osporena odluka kojom je preduzeće PTT saobraćaja Sarajevo utvrdilo za svoje usluge plaćanja u devizama, po ocjeni Ustavnog suda, u vrijeme važenja od 10. 2. do 18. 9. 1993. godine, bila je u suprotnosti sa Uredbom sa zakonskom snagom o deviznom poslovanju. Pri tome, Ustavni sud smatra da bi kod plaćanja između domaćih lica, strana valuta mogla biti samo mjerilo za određivanje cijene za pojedine usluge i robe.

Odluka U broj 7/93
21. oktobra 1993. godine
Sarajevo

Predsjednik
Ustavnog suda BiH,
prof. dr Ismet Dautbašić, s. r.

SADRŽAJ

468	Uredba sa zakonskom snagom o kupovini i prodaji određenih roba i za strana sredstva plaćanja	533
469	Uredba sa zakonskom snagom o izmjenama i dopunama Uredbe sa zakonskom snagom o obrazovanju i radu okruga	534
470	Uredba sa zakonskom snagom o priznavanju stečenog obrazovanja u inostranstvu državljanima Republike Bosne i Hercegovine koji su izbjegli za vrijeme ratnog stanja	534
471	Uredba sa zakonskom snagom o izmjenama i dopunama Uredbe sa zakonskom snagom o okružnim vojnim sudovima	534
472	Uredba sa zakonskom snagom o izmjeni i dopuni Zakona o izboru odbornika i poslanika u Skupštine društveno-političkih zajednica	534
473	Uredba sa zakonskom snagom o izmjenama i dopunama Zakona o kriterijima i mjerilima za korištenje sredstava amortizacije stambenih zgrada i stanova u društvenoj svojini za velike opravke stambenih zgrada	535
474	Uredba sa zakonskom snagom o izmjenama i dopunama Uredbe sa zakonskom snagom o korištenju sredstava solidarnosti za velike opravke	535
475	Uredba sa zakonskom snagom o obrazovanju opštine Žepa	535
476	Odluka o osnivanju Fakulteta kriminalističkih nauka u Sarajevu	535
477	Odluka o razrješenju i imenovanju javnih tužilaca	536
478	Odluka o izboru predsjednika Vlade Republike Bosne i Hercegovine	536
479	Odluka o imenovanju guvernera Narodne banke Bosne i Hercegovine	536
480	Odluka o obustavi od izvršenja Odluke o obustavljanju priliva raseljenih lica na područje opštine Ilidža broj 01-965/93 od 2. oktobra 1993. godine	536
481	Rješenje o razrješenju sekretara Vlade Republike Bosne i Hercegovine	536
482	Rješenje o imenovanju sekretara Vlade Republike Bosne i Hercegovine	536

483	Rješenje o razrješenju direktora Direkcije Republike Bosne i Hercegovine za robne rezerve	537
484	Rješenje o razrješenju sekretara Službe za zajedničke poslove republičkih organa	537
485	Rješenje o razrješenju komandanta Republičkog štaba civilne zaštite	537
486	Rješenje o razrješenju direktora Logističkog centra u Pločama	537
487	Rješenje o razrješenju direktora Logističkog centra u Zagrebu	537
488	Rješenje o postavljenju podsekretara u Ministarstvu rada i socijalne politike	537
489	Rješenje o postavljenju pomoćnika ministra rada i socijalne politike	537
490	Rješenje o razrješenju Društvenog fonda za penziju i invalidsko osiguranje Bosne i Hercegovine	537
491	Naredba o izmjeni Naredbe o uslovima i načinu naplate, raspolaganja i plaćanja gotovim novcem	538
492	Uputstvo za provođenje Uredbe sa zakonskom snagom o kupovini i prodaji određenih roba i za strana sredstva plaćanja	538
USTAVNI SUD BOSNE I HERCEGOVINE		
Odluka o utvrđivanju odredbe člana 8. stav 5. i člana 15. stav 3. Uredbe sa zakonskom snagom o državljanstvu Republike Bosne i Hercegovine ("Službeni list RBiH", br. 18/92 i 11/93), nisu u saglasnosti sa Ustavom Republike Bosne i Hercegovine		
Odluka o utvrđivanju Odluke o prikupljanju deviznih sredstava za sanaciju telefonske mreže na području koje su pokrivale uništene i onesposobljene telefonske centrale smještene u PTT objektima Obala broj 8, Bašaršija i Vasin Han, koju je 10. 2. 1993. godine, pod brojem 0101-239/93 donijelo Preduzeće PTT saobraćaja Sarajevo, u vrijeme važenja od 10. 2. do 18. 9. 1993. godine, bila u suprotnosti sa Uredbom sa zakonskom snagom o deviznom poslovanju ("Službeni list RBiH", broj 2/92).		